

CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A UNIVERSIDADE DE CORUÑA (UDC) PARA A REALIZACIÓN DO “PROXECTO DE ESTUDO TÉCNICO E MANEXO DE DIVERSAS ESPECIES DE MACROALGAS DE ESPECIAL IMPORTANCIA EN GALICIA” (ALGAPROX)

MEMORIA XUSTIFICATIVA

A Directora Xeral de Desenvolvemento Pesqueiro da Consellería do Mar, **DECLARA:**

Que esta Dirección Xeral de Desenvolvemento Pesqueiro formalizou coa Universidade da Coruña o instrumento convencional arriba referido por un período de vixencia que abrangue dende a súa sinatura, 26 de maio de 2025, ata o 31 de xaneiro de 2026.

Que o instrumento convencional ten por obxecto:

Establecer a colaboración entre a Xunta de Galicia, a través da Consellería do Mar, e a Universidade da Coruña para a realización dun proxecto cuxo obxectivo principal é levar a cabo diversas experiencias con especies de algas de interese para o sector pesqueiro e marisqueiro, ben sexa porque supoñen un recurso, porque posúen un alto valor comercial ou porque a súa proliferación prexudica tanto ao medio ambiente como ao recurso e así poder determinar as mellores formas de aproveitamento e xestión, no caso das especies autóctonas e de control ou erradicación, no caso das especies foráneas., e acadar os obxectivos da proposta:

1. Establecer as bases biolóxicas e ecolóxicas das especies de interese a fin de elaborar un deseño e unha metodoloxía axeitados para o seu seguimento no litoral galego.
2. Optimizar a explotación dos recursos mediante o traballo conxunto co sector pesqueiro
3. Analizar a estrutura das poboacións e facer recomendacións para cada especie
4. Mellorar a xestión da explotación no caso de Himanthalia elongata



Actuación cofinanciada polo FEMPA nun 70%. P.O. español 2021ES14MFPR001 [Prioridade 1 – OE1.6] – T.A. 1.6.3] - OIX: D.X. de Desenvolvemento Pesqueiro

5. Reforzar as poboacións de *Himanthalia elongata* mediante sementeiras de embrións producidos en laboratorio
6. Medir o estado actual e a evolución das poboacións das algas alóctonas *Sargasum muticum*, e *Undaria pinnatifida*
7. Potenciar estudos para analizar a evolución de *S. muticum*, *U. pinnatifida*, *U. clathrata*, e *H. elongata* nas costas do noso litoral
8. Transmitir ao sector pesqueiro e marisqueiro as bases biolóxicas de cada unha das especies estudadas, así como a súa interacción con outras especies e co medio.
9. Fortalecer a relación entre o sector da investigación e o sector pesqueiro e marisqueiro a fin de reforzar a sustentabilidade da explotación dos recursos mariños.

En particular, o convenio regula os compromisos das partes para a execución conxunta das mencionadas actuacións, incluíndo a organización do traballo, a xestión e xustificación da realización das mesmas, os dereitos e obrigas das partes, a distribución dos fondos e a titularidade dos resultados, así como a resolución dos posibles conflitos.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

- Por Orde do 27 de xuño de 2022 créase a Rede entre o sector pesqueiro e os organismos científicos da Comunidade Autónoma de Galicia, coa finalidade de fomentar o intercambio e a transferencia de coñecementos entre os organismos científicos, o sector pesqueiro e a administración pesqueira de Galicia.
- O Regulamento (UE) 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura (FEMPA), establece o seguinte obxectivo para o período 21-27: "Manter a pesca como actividade produtora sostible mediante a xestión sostible e a conservación dos ecosistemas mariños". Por outra banda, a prioridade 1 do artigo 3 do citado Regulamento 2021/1139 fai mención a "fomentar a pesca sostible e a recuperación e conservación dos recursos biolóxicos acuáticos", desenvolvendo obxectivos específicos entre os que se atopan: reforzar as actividades pesqueiras que sexan económica, social e medioambientalmente sos-



Actuación cofinanciada polo FEMPA nun 70%. P.O. español 2021ES14MFPR001 [Prioridade 1 – OE1.6] – T.A. 1.6.3] – OIX: D.X. de Desenvolvemento Pesqueiro

tibles, obter datos fiables que permitan tomar decisións baseadas no coñecemento e contribuír á protección e á recuperación da biodiversidade e os ecosistemas acuáticos.

- Os proxectos aprobados pola citada Rede financiaranse nun 70% con cargo ao Fondo Europeo Marítimo, de Pesca e de Acuicultura (FEMPA).
- Na xuntanza extraordinaria da Rede celebrada o 27 de Novembro de 2024, esta valorou positivamente a realización dun Convenio entre a Xunta de Galicia a través da Consellería do Mar e a Universidade da Coruña para levar a cabo diversas experiencias con especies de algas de interese para o sector pesqueiro e marisqueiro, ben sexa porque supoñen un recurso, porque posúen un alto valor comercial ou porque a súa proliferación prexudica tanto ao medio ambiente como ao recurso e así poder determinar as mellores formas de aproveitamento e xestión, no caso das especies autóctonas e de control ou erradicación, no caso das especies foráneas, considerando a realización da proposta presentada, aliñada coa finalidade da Rede, de interese para os seus participantes e para o sector pesqueiro en particular, así coma para o ben común e interese xeral.
- A Consellería do Mar e a Universidade da Coruña consideran esencial o establecemento de accións conxuntas co fin de realizar o seguimento e/ou control e manexo das poboacións de catro especies de macroalgas mariñas: *Himanthalia elongata* ("correa", "espaguetes de mar"), *Sargassum muticum* ("a xaponesa", "cola de raposo"), *Undaria pinnatifida* ("wakame") e *Ulva clathrata* ("limo") ao longo de distintos sectores do litoral da costa galega e establecer boas prácticas de explotación para reducir o impacto da pesca no medio mariño, protexer e recuperar a biodiversidade nos ecosistemas acuáticos e, polo tanto, a sostibilidade das poboacións.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.





Actuación cofinanciada polo FEMPA nun 70%. P.O. español 2021ES14MFPR001 [Prioridade 1 – OE1.6] – T.A. 1.6.3] – OIX: D.X. de Desenvolvemento Pesqueiro

E para que conste, asínase esta memoria.

Santiago de Compostela, na data da sinatura dixital

A Directora Xeral de Desenvolvemento Pesqueiro

Marta Villaverde Acuña

